

中國方志叢書·華北地方·第三五四號

據

民國·石毓嵩、路程壽纂修  
民國二十五年鉛印本

影印

山東省

# 商河縣志



成文出版社有限公司印行



\*10098522\*

中國方志叢書·華北地方·第三五四號

據

民國·石城、路程誨纂修  
民國二十五年鉛印本

影印

山東省

# 商河縣志



成文出版社有限公司印行



\*10098523\*

中國方志叢書·華北地方·第三五四號


據

民國·石毓嵩、路程誨纂修  
民國二十五年鉛印本

影印

山東省

# 商河縣志



成文出版社有限公司印行



\*10098524\*

中華民國六十五年 月臺一版

# 商河縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

民國二十五年三月

# 重修商河縣志

縣長石毓嵩



重修商河縣志卷之八

人物志

上

天生民而懿德具於人心不特秉清淑之氣者有以樹綱常維名教卽夫婦之愚不肖一旦性真奮發雖聖賢有不能至不能盡焉十室之邑猶有忠信况商河前漢舊治代有傳人哉始鄉賢終列女人事備矣玉蘊石琢磨成器木生山繩墨爲功爲能發憤洗滌克自振拔於儕俗也志人物

鄉賢

後唐

馬允孫字慶先舉進士後唐末帝李從珂爲潞王時辟爲河中

觀察支使從珂爲楊彥溫所逐罷居京師允孫從後從珂將  
舉兵反左右謀已定召允孫告之曰受命移鎮路出京師何  
向爲便允孫曰君命召不俟駕今大王爲國宗屬先帝新棄  
天下臨喪赴鎮臣子之道誅人凶謀不可從也左右皆笑其  
愚從珂獨心重之後從珂弒閔帝立是爲末帝允孫官至中  
書侍郎同中書門下平章事石敬瑭弒末帝自立允孫遂家  
居不仕時人稱爲三不開居家門不開見客口不開入朝印  
不開爲人端肅如此

元

張博文泰定丁卯鄉舉官至東平襄陽懷慶等路總管陞兵部

侍郎政績無考惟明祀鄉賢略曰道行果毅風韻遠而猶著  
洵爲先代之鄉賢云

明

孫統宣德丁未進士除行在監察御史彈劾不避權貴讞獄多  
平反陞陝西右參政以廉勤著名再遷左布政仍上疏論執  
政者幾爲所陷上知其忠特令致仕

張紳宣德壬子舉人歷知鞏縣麟遊縣陞均州知州俱以廉能  
著稱進秩從四品致仕

張咨紳之子天順乙卯舉人初知直隸曲陽縣歷知光州涿州  
令行禁止吏畏民服剛介有爲不附權要時中官用事上下

無不阿順風旨咨獨與之相抗中貴皆憚之以治最知衛輝  
九江府政益舉陞河東鹽運使鹽法大行奸猾屏息年未周  
甲乞休壽終於家子九叙登進士官至都御史九霄經魁官  
至永平府通判俱不愧家法云

孫識字以蕃成化戊戌進士除戶部主事累遷郎中以狷介著  
名遷平涼府知府興利除奸賑貧掩骼作興人才屢辦疑獄  
再遷漢陽尤多治狀居鄉孝友動必以禮邑人矜式焉

張奇成化甲午舉人知望江縣多善政入名宦祠判黃州嘉興  
知渾源州旋改階州俱有奇績詳載安慶府階州望江縣三  
志致仕進階奉直大夫協正庶尹居家以孝弟聞婚喪率遵

古禮其他善行不能悉記詳閭庶常閔所撰墓誌文

盧亨字永泰彬之子母周氏濟陽望族孝慈勤儉相夫訓子綽有古名媛儀範亨領成化庚子鄉薦丁未捷南宮迎養母氏京邸未幾奉板輿以歸擢兵科給事中居諫垣十餘年多所建議歷陞太常寺卿進階嘉議大夫資治尹天性忠厚未嘗與人相忤有犯者旁觀不堪亨視之若未犯己也正德間劉瑾用事許以美秩欲亨往見不屈卽上章引年致仕卒賜祭葬子傑正德癸酉舉人出知直隸灤州有惠政及致仕百姓爲建生祠祀之崇祀名宦祠王蕃撰去思碑並讚

張九叙咨之子宏治乙丑進士授庶常正德朝歷官戶刑科左

右給事中曾劉瑾竊柄遼府李校尉者藉瑾勢不法侵府田若干府奏聞上命九叙按治得實置之法人爲九叙危瑾竟不能禍庚午瑾誅九叙又與謝都諫指摘奸黨中外稱快武宗悅西僧衛江彬得倖旨下工部起少府爲彬居九叙奏請罷之彬誅陞吏科都給事中轉太僕寺少卿調太常寺提督四夷館以旌敢諫嘉靖五年江洋劇賊黃保孫二等嘯聚數百人爲盜莫能制特陞南京右僉都御史理江防事至則召長吏授策未浹旬而黃保輩就縛江河肅然吳人稱神移時旱蝗蔽天上修德回天疏反覆時事數千言忤執政再疏乞退不報明年因張孚敬奏論罷抑鬱疽發而歿

綱鑑輯覽載  
正德十六年

五月梁儲罷吏部尚書王瓊以罪戍邊初瓊在兵部凡所誅  
賞悉聽中旨至是給事中張九叙劾王瓊濫竽將官依附權  
倖併劾梁儲持祿固寵儲三疏求去賜勅傳歸下瓊都察院  
鞫治論死瓊疏辯乃減死戍邊按濟南范瑟墓志銘載事甚  
詳獨正德中張九叙在諫垣疏劾兵部尚書王瓊禮部尚書  
梁儲儲賜歸瓊論死戍邊風節昭著而誌不及豈當時或有  
所諱云

孫孟舉識之子孟和之弟宏治乙丑進士授刑部主事歷任河  
南按察司僉事事實失傳

孫孟和字節之識之子孟舉之兄正德戊辰進士知廣平縣甫  
下車即值流賊作亂誓衆殺賊孤城賴全調滑縣到任日流  
賊大至攻圍七晝夜孟和且戰且守斬獲甚衆保城如在廣  
平擢湖北道監察御史風采嚴峻人不敢干以私巡按山西

韃賊深入孟和督戰却敵參劾總兵傅鐸等不謹封守賞爵  
公明丁丑武宗幸大同召至前勞曰爾御史中好官朕當賜  
予有錦衣銀牌帶襖之賜寧王宸濠叛從征紀功多所建白  
劾太監張永及安邊伯朱泰等皆正其罪中外震動會武廟  
升遷孟和左遷六安添注判官初無愆意嘉靖改元知吳橋  
縣興文教全名節轉眞定府同知旋知府事厚風化厲節義  
無少怠因病乞休家無中人之產淡如也著有西巡激揚錄

南征紀功錄

張邦瑞奇之子正德丁卯舉人任南京兵部司務陞戶部員外  
郎中以年資應抽分蕪湖及北新關稅課可得萬金邦瑞力

辭不往人以爲難出知石阡府知府比懸車囊橐蕭然所居  
僅蔽風雨怡然安之

賈樞字慎卿斌之曾孫嘉靖壬辰進士知葉縣調襄垣任事明  
斷豪猾斂手擢刑部主事陞員外郎郎中折獄稱平陞陝西  
僉事兵備隴右秉正持公訟清盜息巡撫薦剡有番人感服  
全隴稱神之語遭父喪盡禮起除河南僉事兵備睢陳擒恆  
山大盜李邦珍等伏法伸冤獄終山西參議以疾致仕闔門  
養重雙字不投公庭優游林下十餘年引掖後進多所成就  
出處之節終始不渝稱完人焉

王琨字友玉萬歷丙辰進士授眞定知縣清積逋覈假差成溥

沱浮橋滅河田公稅鋤強共弱勇幹有聲擢禮科給事中值  
楊漣大獄以病乞歸崇禎改元轉河南參議兵備汝南劇盜  
陳園子圍掠郡邑琨整行伍簡材官清軍耗指授戰守機宜  
擒其党塔四等賊勢大沮退散又平舞陽安住兒等寇擢湖  
廣參政鎮守襄陽江防道以病乞休著有循職言略游草十  
刻

李時新萬歷辛卯舉人授武強縣以廉幹著名調棗強會妖賊  
數千作亂逼掠縣城時新戮力誓衆殲其渠魁餘党悉平以  
疾乞歸值叛兵陷城不屈而死崇禎六年贈光祿寺署正

王國安字熙寰萬歷中歲貢生授曲阜教育敦崇實學人咸敬

之丁憂家居崇禎四年叛兵圍城國安督衆禦敵城陷被執  
不屈而死六年巡撫朱大典題贈國子監助教頒文諭祭蔭  
其長子與立爲南城兵馬司

馬泰仲字惟舒萬歷己酉舉人已未會試副榜授鹽山知縣邑  
苦潦且瘠城郭公署傾圯殆盡區畫補葺民不知勞平賦役  
塞差徭振興文教士登科者十人擢知滄州路當孔道役煩  
賦重多方釐剔一如在鹽捕奸僧佔人田產搶奪婦女者置  
之法豪強莫不畏服閏七月丁父艱歸崇禎十五年壬午十  
二月二日西門城陷不屈死節妻張氏亦抗節殉夫難

清

王治邦順治初拔貢生授湖廣德安府推官時兵燹之後人民稍聚訟獄繁興治邦勸撫安輯衆賴以安遷鎮江府海防同知清屯田冒丁除簽運積弊親歷圖山洋河巡緝私梟斂迹官引疏銷陞知德安府值歲饑蠲賑備至全活數千人親老乞養歸著有家訓輯要

按商邑鄉賢在嘉靖初始祀後唐平章馬允孫元兵部侍郎張博文二人萬歷中增祀孫識張奇二人今考祀典載馬允孫張博文孫毓張紳張咨孫識張奇盧亨張九叙孫孟舉孫孟和張邦瑞賈樞王琨李時新王安國馬泰伸王治邦共十有八人事實散佚既多與祀世代亦與名宦同